



Broj: 01-137/23
Vareš, 31.05.2023. godine

Z A P I S N I K
sa 25. sjednice Općinskog vijeća Vareš,
održane 27.04. 2023. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zakir Džafo, Zdenko Franjić, Nazif Hajrić, Igor Hinger, Ešref Likić, Mario Mirčić, Nedžad Mušanović, Malik Rizvanović i Nikola Šimić.

Odsutni: Mirnes Ajanović, Šaban Ibrišimović i Emir Islamović.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 25. sjednicu s početkom u 15.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa i gosp. Čedomir Jelić, ispred Službe za privredu, finansije i trezor – gosp. Stela Terzić i gosp. Mirza Fatić, zamjenica općinskog pravobranioca - gosp. Harisa Bojić-Begić, gosp. Belma Hafizović, gosp. Adaleta Pezo i predstavnici medija.

Sekretar OV Leon Pavlović izvijestio je Vijeće da je na 24. sjednici OV održanoj 30.03.2023. godine donesen jedan (1) zaključak koji je u toku realizacije. Postavljeno je deset (10) vijećničkih pitanja. Na sva pitanja usmeno je odgovoreno od strane Općinskog načelnika na samoj sjednici, dok je na pet (5) pitanja dostavljen i pisani odgovor podnosiocu i svim ostalim vijećnicima. Podnesene su dvije (2) Inicijative na koje je i odgovoreno.

Općinski načelnik Zdravko Marošević pod aktuelnim pitanjima nije imao obraćanje za današnju sjednicu.

(Izjašnjavanje vijećnika o dobivenom odgovoru)

Nije bilo učesnika.

(Vijećnička pitanja i Inicijative)

Dario Dodik

1. Od Službe za prostorno uređenje sam već tražio da se izvrši evidentiranje udarnih rupa po lokalnim ulicama u gradu, gradskoj zoni, Vareš Majdanu i Varešu. Da imamo barem neku predstavu koliko bi trebalo sredstava da se sadašnje udarne rupe pokrpe. Da li su evidentirana oštećenja i da li je napravljen neki plan za rješavanje tih udarnih rupa? Na postavljeno pitanje tražim pisani odgovor. (dato je pojašnjenje)
2. Da li je završen projekat za parking u ul. Put mira, jer nam je prije 6 mjeseci rečeno da je upućeno i u da je u odabiru izvođač koji treba da sačini taj projekat? A ako nije završen projekat, zašto nije završen? Na postavljeno pitanje tražim pisani odgovor. (dato je pojašnjenje)

Nazif Hajrić

3. Radi čestog upita stanovnika naselja Radonjići MZ Striježevo, ponavljam pitanje. Zanima me kada će doći do realizacije projekta postavljanja rasvjetnih tijela u naselju Radonjići i da li se zna tačan period realizacije?

Nedžad Mušanović

4. Pitao bih Načelnika ili pomoćnika načelnika Ermina Musu, da li se može nešto uraditi na sanaciji lokalnih makadamskih puteva na području MZ Ravne i Zubeta? (dato je pojašnjenje)
5. Pitao bih Načelnika, da li postoji mogućnost da se jednom godišnje organizuje manifestacija za izbor sportiste godine, sportske ekipe i sl.? (dato je pojašnjenje)

Šaban Ibrišimović

6. Šta je uradila nadležna općinska služba po pitanju naše Inicijative iz prošle godine o detekciji divljih deponija po MZ-ma općine Vareš? Tražimo pismeni izvještaj po ovom pitanju od nadležne općinske službe!
7. Da li ovo Općinsko vijeće može do slijedećeg Vijeća dobiti pismenu Informaciju o sprovedenim aktivnostima Eko policajca zaposlenika Općine Vareš o svom radu za proteklu godinu tj. za 2022. godinu iz svoje nadležnosti sa jasno razvrstanim aktivnostima kroz sprovedene mjere i radnje koje je sprovodio kao Eko policajac.

Dario Dodik - Inicijativa

Vijećnik Dario Dodik traži da se ponovo ispred Vijeća donese Zaključak kojim će se zatražiti od Kantonalne Direkcije za ceste kao nadležnog organa i nadležnog Kantonalnog Ministarstva, da dostave Plan i Program rada kada je planirano da se završi asfaltiranje i spajanje puta sa regionalnim putem koji povezuje Zavidoviće i Olovo. Ujedno tražiti da se zatraži hitna sanacija, jer je taj put posebno od Vijake prema Krivaji sada već sa ogromnim rupama.

(Predsjedavajuća OV apelovala je vijećniku da Inicijativu u pisanoj formi dostavi Stručnoj službi OV kako bi se Vijeće na narednoj sjednici OV po istoj izjasnilo).

Predsjedavajuća OV stavila je na raspravu Zapisnik sa 24. sjednice OV.

Vijećnica Sahudina Beganović skrenula je pažnju na tehničku grešku pod tačkom Tekuća pitanja – riječ „Likić“ zamijeniti sa riječju „Librić“.

Nije više bilo primjedbi i predsjedavajuća OV stavila je na izjašnjavanje Zapisnik sa 24. sjednice OV sa navedenom ispravkom i nakon izjašnjavanja vijećnika konstatuje da je **jednoglasno sa 15 glasova „ZA“** (odsutan vijećnik Mario Mirčić) **usvojen Zapisnik sa 24. sjednice OV.**

Predsjedavajuća OV stavila je na raspravu prijedlog dnevnog reda 25. sjednice OV koji je usuglašen na Kolegiju Općinskog vijeća.

Nije bilo učesnika i predsjedavajuća OV stavila je na izjašnjavanje prijedlog dnevnog reda 25. sjednice OV i nakon izjašnjavanja vijećnika konstatuje da je **jednoglasno sa 15 glasova „ZA“** (odsutan vijećnik Mario Mirčić) **usvojen sljedeći**

Dnevni red

1. Izvještaj/Izvješće o izvršenju budžeta/proračuna Općine Vareš za period januar/siječanj-mart/ožujak 2023. godine.
Izvestilac: Općinski načelnik.
2. Prijedlog Odluke o dopuni Odluke o općinskim komunalnim taksama.
Izvestilac: Općinski načelnik.
3. Izvještaj o radu zajedničkog općinskog pravobranilaštva Olovo i Vareš za 2022. godinu.
Izvestilac: Zamjenik općinskog pravobranilaštva.
4. Izvještaj o rješavanju upravnih stvari u upravnom postupku svih općinskih službi za upravu u 2022. godini.
Izvestilac: Čedomir Jelić.
5. Izvještaj Komisije za procjenu prometne vrijednosti nekretnina za 2022. godinu.
Izvestilac: Predsjednica Komisije.
6. Zaključak o davanju saglasnosti Općinskom načelniku na Pravilnik o vrstama vlastitih javnih prihoda Općine Vareš, broj: 02-571/23 od 11.04.2023. godine.
Izvestilac: Općinski načelnik.
7. Rješenje o utvrđivanju prava vlasništva u korist Ahmedović Mirsada iz Vareša, Daštansko bb.
Izvestilac: Ermin Musa.
8. Rješenje o utvrđivanju prava vlasništva u korist JP „Šumsko privredno društvo Zeničko-dobojskog kantona“ d.o.o. Zavidovići.
Izvestilac: Ermin Musa.
9. Prijedlog Rješenja o imenovanju Komisije za odabir korisnika sredstava Budžeta Općine Vareš za 2023. godinu – transfer za neprofitne organizacije.
Izvestilac: Općinski načelnik.
10. Prijedlog Rješenja
 - a) o razrješenju predsjednika i člana Upravnog odbora JU „Dom zdravlja“ Vareš
 - b) o konačnom imenovanju predsjednika i člana Upravnog odbora JU „Dom zdravlja“ Vareš.Izvestilac: Sekretar OV.

11. Informacija o dugovanju Općine prema pravnim i fizičkim licima, kao i pravnih i fizičkih lica prema Općini Vareš sa 31.12.2022. godine.
Izjestilac: Općinski načelnik.
12. Informacija o prihodovnim namjenskim sredstvima te realizaciji projekata za koje su namjenska sredstva uplaćena.
Izjestilac: Općinski načelnik.
13. Informacija o ostvarenim prihodima u 2022. godini po osnovu odluka Općinskog vijeća Vareš.
Izjestilac: Općinski načelnik.
14. Tekuća pitanja.

Ad. 1.

*(Izveštaj/Izvešće o izvršenju budžeta/proračuna Općine Vareš
za period januar/siječanj – mart/ožujak 2023. godine.)*

Komisija za privredu, finansije i budžet na 12. sjednici održanoj 25.04.2023. godine jednoglasno je donijela sljedeći Zaključak:

- **Komisija nema primjedbi, daje pozitivno mišljenje na Izveštaj/Izvešće o izvršenju budžeta/proračuna Općine Vareš za period januar/siječanj-mart/ožujak 2023. godine i isti se upućuje Vijeću na razmatranje.**

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Dario Dodik (*izjavio je da neće podržati ovu tačku dnevnog reda o čemu je dao i pojašnjenje*) i Općinski načelnik Zdravko Marošević (*u svom obraćanju dao je objašnjenje na iznesene primjedbe vijećnika u raspravi*).

Zaključena je rasprava i predsjedavajuća OV stavila je na izjašnjavanje Izveštaj/Izvešće o izvršenju budžeta/proračuna Općine Vareš za period januar/siječanj-mart/ožujak 2023. godine.

Nakon izjašnjavanja vijećnika predsjedavajuća OV konstatuje da sa **9 glasova „ZA“ i 6 glasova „PROTIV“** (odsutna vijećnica Sahudina Beganović) **nije usvojen**

*Izveštaj/Izvešće o izvršenju budžeta/proračuna Općine Vareš
za period januar/siječanj – mart/ožujak 2023. godine.*

Ad. 2.

*(Prijedlog Odluke o dopuni Odluke
o općinskim komunalnim taksama.)*

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici Asmir Čizmo (*mišljenja je da Odluka nije motivirajuća za eventualne nove firme i trgovine i traži od nadležne općinske službe da do naredne sjednice OV pripremi i dostavi uporedne pokazatelje za sarajevski, srednjobosanski i ze-do kanton po kategoriji za velika, mala i srednja preduzeća, vezano za visinu komunalnih такси*), Dario Dodik (*smatra da ima još firmi koje bi trebale biti tretirane sa nekim umanjnjem такси ili drugačijim obračunom i da se ova materija treba malo više analizirati*), Općinski načelnik Zdravko Marošević (*izjavio je da bi se moglo ići u izradu neke detaljnije analize vezano za ovu materiju i donijeti na*

jednoj od sjednica OV neko bolje rješenje, o istom je dao pojašnjenje) i predsjedavajuća OV Mahira Brkić (podsjetila je da svaki vijećnik može predložiti izmjenu bilo koje odluke koja je donesena u bilo kom sazivu Vijeća).

Zaključena je rasprava i predsjedavajuća OV stavila je na izjašnjavanje Prijedlog Odluke o dopuni Odluke o općinskim komunalnim taksama.

Nakon izjašnjavanja vijećnika predsjedavajuća OV konstatuje da **je jednoglasno sa 16 glasova „ZA“ usvojena**

***Odluka o dopuni Odluke
o općinskim komunalnim taksama.***

Ad. 3.

*(Izveštaj o radu zajedničkog općinskog
pravobranilaštva Olovo i Vareš za 2022. godinu.)*

Izjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj o radu zajedničkog općinskog pravobranilaštva Olovo i Vareš za 2022. godinu.

Nakon izjašnjavanja vijećnika predsjedavajuća OV konstatuje da je jednoglasno sa **16 glasova „ZA“ usvojen**

***Izveštaj o radu zajedničkog općinskog
pravobranilaštva Olovo i Vareš za 2022. godinu.***

Ad.4.

*(Izveštaj o rješavanju upravnih stvari u upravnom
postupku svih općinskih službi za upravu u 2022. godini.)*

Izjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj o rješavanju upravnih stvari u upravnom postupku svih općinskih službi za upravu u 2022. godini.

Nakon izjašnjavanja vijećnika predsjedavajuća OV konstatuje da je **jednoglasno sa 15 glasova „ZA“ (odsutan vijećnik Malik Rizvanović) usvojen**

***Izveštaj o rješavanju upravnih stvari u upravnom
postupku svih općinskih službi za upravu u 2022. godini.***

Ad.5.

(Izveštaj Komisije za procjenu prometne vrijednosti nekretnina za 2022. godinu.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj Komisije za procjenu prometne vrijednosti nekretnina za 2022. godinu.

Nakon izjašnjavanja vijećnika predsjedavajuća OV konstatuje da je **jednoglasno sa 15 glasova „ZA“** (odsutan vijećnik Malik Rizvanović) **usvojen**

Izveštaj Komisije za procjenu prometne vrijednosti nekretnina za 2022. godinu.

Ad.6.

(Zaključak o davanju saglasnosti Općinskom načelniku na Pravilnik o vrstama vlastitih javnih prihoda Općine Vareš, broj: 02-571/23 od 11.04.2023. godine.)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Dario Dodik skrenuo pažnju da je uz ovakve dokumente potrebno dostaviti i obrazloženje. Šefica Odsjeka za računovodstvo i trezor Stela Terzić izjavila je da prihvata iznesenu sugestiju i dala je usmeno obrazloženje.

Nije više bilo učesnika u raspravi i predsjedavajuća OV stavila je na izjašnjavanje Zaključak o davanju saglasnosti Općinskom načelniku na Pravilnik o vrstama vlastitih javnih prihoda Općine Vareš, broj: 02-571/23 od 11.04.2023. godine.

Nakon izjašnjavanja vijećnika predsjedavajuća OV konstatuje da je **jednoglasno sa 14 glasova „ZA“** (odsutni vijećnici Malik Rizvanović i Amela Brkić) **usvojen**

Zaključak o davanju saglasnosti Općinskom načelniku na Pravilnik o vrstama vlastitih javnih prihoda Općine Vareš, broj: 02-571/23 od 11.04.2023. godine.

Predsjedavajuća OV dala je pauzu u trajanju 10 minuta.

Nastavljeno je sa radom sjednice.

Ad.7.

*(Rješenje o utvrđivanju prava vlasništva u korist
Ahmedović Mirsada iz Vareša, Daštansko bb.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Rješenje o utvrđivanju prava vlasništva u korist Ahmedović Mirsada iz Vareša, Daštansko bb.

Nakon izjašnjavanja vijećnika predsjedavajuća OV konstatuje da **je jednoglasno sa 16 glasova „ZA“ usvojeno**

***Rješenje o utvrđivanju prava vlasništva u korist
Ahmedović Mirsada iz Vareša, Daštansko bb.***

Ad.8.

*(Rješenje o utvrđivanju prava vlasništva u korist
JP „Šumsko privredno društvo Zeničko-dobojskog kantona“ d.o.o. Zavidovići.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Rješenje o utvrđivanju prava vlasništva u korist JP „Šumsko privredno društvo Zeničko-dobojskog kantona“ d.o.o. Zavidovići.

Nakon izjašnjavanja vijećnika predsjedavajuća OV konstatuje da **je jednoglasno sa 16 glasova „ZA“ usvojeno**

***Rješenje o utvrđivanju prava vlasništva u korist
JP „Šumsko privredno društvo Zeničko-dobojskog kantona“ d.o.o. Zavidovići.***

Ad.9.

*(Prijedlog Rješenja o imenovanju Komisije za odabir korisnika sredstava
Budžeta Općine Vareš za 2023. godinu – transfer za neprofitne organizacije.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o imenovanju Komisije za odabir korisnika sredstava Budžeta Općine Vareš za 2023. godinu – transfer za neprofitne organizacije.

Nakon izjašnjavanja vijećnika predsjedavajuća OV konstatuje da **je jednoglasno sa 16 glasova „ZA“ usvojeno**

***Rješenje o imenovanju Komisije za odabir korisnika sredstava
Budžeta Općine Vareš za 2023. godinu – transfer za neprofitne organizacije.***

.

Ad.10.

(Prijedlog Rješenja

- a) o razrješenju predsjednika i člana Upravnog odbora JU „Dom zdravlja“ Vareš
- b) o konačnom imenovanju predsjednika i člana Upravnog odbora JU „Dom zdravlja“ Vareš.

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o razrješenju predsjednika i člana Upravnog odbora JU „Dom zdravlja“ Vareš.

Nakon izjašnjavanja vijećnika predsjedavajuća OV konstatuje da **je jednoglasno sa 16 glasova „ZA“ usvojeno**

***Rješenje o razrješenju predsjednika i člana
Upravnog odbora JU „Dom zdravlja“ Vareš.***

Predsjedavajuća OV stavila je na izjašnjavanje Prijedlog Rješenja o konačnom imenovanju predsjednika i člana Upravnog odbora JU „Dom zdravlja“ Vareš.

Nakon izjašnjavanja vijećnika predsjedavajuća OV konstatuje da **je sa 10 glasova „ZA“ i 6 glasova „PROTIV“ usvojeno**

***Rješenje o konačnom imenovanju predsjednika i člana
Upravnog odbora JU „Dom zdravlja“ Vareš.***

Ad.11.

*(Informacija o dugovanju Općine prema pravnim i fizičkim licima,
kao i pravnih i fizičkih lica prema Općini Vareš sa 31.12.2022. godine.)*

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici Dario Dodik (*skrenuo pažnju na dugovanje Općine Vareš prema HELP-u, za poticaj poljoprivredne proizvodnje, sugerise da se dugovanja izmire kako bi se moglo aplicirati na projekt, tražio pojašnjenje u vezi potraživanja koja se odnose na stanove*) i Nedžad Mušanović (*skrenuo pažnju na dugovanja pravnih i fizičkih lica prema Općini Vareš i uputio pitanje da li neko kontaktira dužnike i da li postoji mogućnost da se bar dio dugovanja naplati*).

Stela Terzić šefica Odsjeka za računovodstvo i trezor u svom obraćanju dala je pojašnjenje i odgovor na postavljeno pitanje.

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

***Informaciju o dugovanju Općine prema pravnim i fizičkim licima,
kao i pravnih i fizičkih lica prema Općini Vareš sa 31.12.2022. godine.***

Ad.12.

*(Informacija o prihodovnim namjenskim sredstvima
te realizaciji projekata za koje su namjenska sredstva uplaćena.)*

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Dario Dodik (*postavio pitanje da li je u Informaciji trebalo navesti i sredstva koja su stigla od Vlade Republike Hrvatske i da li je u prošloj godini bilo uplaćeno po projektima, ako nije zbog čega nije.*), Mahira Brkić (*traži informaciju šta je sa tim sredstvima*), Stela Terzić šefica Odsjeka za računovodstvo i trezor (*izjavila je da su sredstva trebala biti navedena u Informaciji ali je učinjen propust, podsjetila je da je informacija o sredstvima prikazana u Izvještaju o izvršenju budžeta ali da se može dopuniti Informacija vezano za ta sredstva i Vijeću dostaviti za narednu sjednicu OV*) i Amela Brkić (*traži informaciju u koju namjenu su utrošena sredstva od Ministarstva za prostorno uređenje u iznosu od 100.000 KM namijenjena za zaštitu okoliša*).

Predsjedavajuća OV je na osnovu rasprave predložila i stavila na izjašnjavanje sljedeći

Zaključak:

- **Zadužuje se Služba za privredu, finansije i trezor da izvrši dopunu Informacije o prihodovanim namjenskim sredstvima te realizaciji projekata za koje su namjenska sredstva uplaćena sa podacima o doniranim sredstvima od Vlade Republike Hrvatske.**

Nakon izjašnjavanja vijećnika predsjedavajuća OV konstatuje da je **jednoglasno sa 16 glasova „ZA“ usvojen predloženi Zaključak.**

Predsjedavajuća OV apelovala je da se dostavi i informacija koju je tražila vijećnica Amela Brkić a vezano za utrošak namjenskih sredstva za zaštitu okoliša.

Predsjedavajuća OV konstatuje uz Zaključak da je **Vijeće primilo k znanju**

***Informaciju o prihodovnim namjenskim sredstvima
te realizaciji projekata za koje su namjenska sredstva uplaćena***

Ad.13.

*(Informacija o ostvarenim prihodima u 2022. godini
po osnovu odluka Općinskog vijeća Vareš.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o ostvarenim prihodima u 2022. godini
po osnovu odluka Općinskog vijeća Vareš.***

Ad.14.
(Tekuća pitanja.)

Predsjedavajuća OV upoznala je prisutne sa pristiglom poštom i to:

1. Ostavka na funkciju zamjenika predsjedavajuće OV, dostavljena od Mirnesa Ajanovića 30.03.2023. godine.

Predsjedavajuća OV podsjetila je prisutne na član 154. Poslovnika o radu OV i u skladu sa istim članom konstatuje da se ostavka upućuje Komisiji za izbor i imenovanja koja će dati svoje mišljenje na ostavku i isto dostaviti za narednu sjednicu OV, kada će se Vijeće konačno izjasniti o datoj ostavci.

2. Očitovanje Službe za prostorno uređenje broj: 02/3-592/23 od 27.04.2023. godine po Inicijativi vijećnika Nurdina Begovića za uređenje stepenica koje vode ka gradskom parkingu.
3. Odgovor Općinskog načelnika broj: 02-560/23 od 10.04.2023. godine po Zahtjevu ZZO ZDK Poslovnica Vareš u vezi parking prostora ispred Poslovnice.
4. Zahtjev za uknjižbu zemljišta dostavljen od MZ Pržići 20.04.2023. godine. (Zahtjev je dostavljen Službi za prostorno uređenje na očitovanje).
5. Sahudina Beganović u svojstvu predsjednice Komisije za izgradnju spomen obilježja svim civilnim žrtvama rata na području općine Vareš u svom obraćanju predložila je da se Javna rasprava u vezi izgradnje spomenika održi 15.05.2023. godine (ponedjeljak) u 15:00 sati u Velikoj sali Općine Vareš.

Pozvala je sve prisutne i građane da prisustvuju bajramskom koncertu koji će se održati 28.04.2023. godine u 18:00 sati u Radničkom domu.

Predsjedavajuća OV predložila je i stavila na izjašnjavanje sljedeći

Zaključak:

- **Predlaže se da se Javna rasprava, a vezano za spomen obilježje svim civilnim žrtvama rata na području općine Vareš, održi 15.05. 2023. godine (ponedjeljak) u 15:00 h u Velikoj sali Općine Vareš. U skladu sa Poslovníkom o radu OV i Statutom Općine Vareš upoznati javnost o terminu i mjestu održavanja javne rasprave.**

Nakon izjašnjavanja vijećnika predsjedavajuća OV konstatuje da je **jednoglasno sa 16 glasova „ZA“ usvojen predloženi Zaključak.**

Sastavni dio ovog Zapisnika je audio zapis sjednice.

Sjednica je završena u 16.50 sati.

S E K R E T A R

Leon Pavlović

ZAPISNIČAR

Azra Pijadžer

**PREDSEDVAJUĆA
OPĆINSKOG VIJEĆA**

Mahira Brkić